

OPŠTA PRAVILA

1. Asocijacija gitarista 102 žice iz Banjaluke (u daljem tekstu ORGANIZATOR) organizuje peti po redu Ubuntu Guitarfest. Festival sadrži koncertni program, takmičenje, majstorske radionice, predavanja i promociju instrumenata.
2. Prije početka festivala svaki učesnik mora da izvrši registraciju i preuzme svoju akreditaciju. Svaki učesnik će dobiti diplomu o učešću - aktivnom ili pasivnom.
3. Organizator zadržava pravo snimanja, reprodukovanja i prenosa programa svih festivalskih aktivnosti. Zadržava pravo objavljivanja fotografija i video snimaka svih učesnika takmičenja, majstorskih radionica i prezentacija sa ciljem promovisanja festivala. Fotografije i snimci se objavljuju u medijima, na službenoj web stranici festivala, službenoj Facebook, Instagram, YouTube stranici festivala i Asocijacije gitarista 102 žice.
4. Učesnici sami snose troškove puta i smještaja za vrijeme festivala.
5. Svi registrovani učesnici će dobiti festivalsku knjižicu sa svim potrebnim informacijama o festivalskim dešavanjima i lokacijama.
6. Organizator ne snosi odgovornost za bilo kakve ozljede ili nesreće učesnika, nastavnika i drugih lica koja se nađu u prostoru gdje se održava festival, kao i u slučaju oštećenja ili nestanka ličnih stvari.
7. Organizator zadržava pravo izmjene programa i rasporeda događaja.
8. Prijavom na Ubuntu Guitarfest učesnici prihvataju sve uslove ovog Pravilnika.

PRAVILA TAKMIČENJA

1. Takmičenje je podijeljeno u sedam kategorija:
 - **I kategorija** - rođeni 2013. godine i mlađi (3-5 minuta)
 - **II kategorija** - rođeni 2011. godine i mlađi (5-7 minuta)
 - **III kategorija** - rođeni 2009. godine i mlađi (7-10 minuta)
 - **IV kategorija** - rođeni 2007. godine i mlađi (10-14 minuta)
 - **V kategorija** - rođeni 2005. godine i mlađi (14-18 minuta)
 - **VI kategorija** - rođeni 2003. godine i mlađi (20-25 minuta)
 - **VII kategorija** - rođeni 1988. godine i mlađi - dvije etape:
 - *prva etapa (15-18 minuta)
 - *druga etapa (23-25 minuta)

2. Takmičari od III do VII kategorije moraju biti prijavljeni za **aktivno ili pasivno** učešće. Takmičarima u I i II kategoriji dozvoljena je prijava samo za takmičenje.
3. Takmičenje je međunarodnog i javnog karaktera.
4. Takmičenje u VII kategoriji podijeljeno je u dvije etape. Za sve sve ostale kategorije takmičenje je jednoetapno.
5. **Da bi se takmičenje u VII kategoriji održalo mora biti prijavljeno najmanje osam (8) takmičara.** Za ostale kategorije nema ograničenja.
6. Takmičari u svim kategorijama nastupaju po abecednom redu. Redoslijed nastupa takmičara biće objavljen 1. decembra 2023. godine na web stranici festivala, a takođe će biti poslat na email adresu navedenu u prijavi, uključujući i raspored proba.
7. Takmičari izvode dva ili više komada različitog karaktera i stila.
8. Takmičari svih kategorija su obavezni da sviraju napamet.
9. Na zahtjev žirija, takmičari su dužni dostaviti partiture kompozicija koje izvode.
10. Takmičarsko vrijeme podrazumijeva cjelokupni nastup takmičara.
11. Mlađi takmičari imaju pravo da se takmiče u višoj kategoriji.
12. Izmjene prijavljenog programa moraju se dostaviti najmanje jedan dan prije takmičenja.
13. Takmičari u VII kategoriji **ne mogu** svirati istu kompoziciju u obje etape takmičenja.
14. Žiri takmičenja je međunarodni i imenuje ga Organizacioni odbor Festivala.
15. Članovi žirija daju bodove od 50 do 100. Nagrade su podijeljene u četiri grupe:
 - Prva nagrada: 93 – 100 bodova
 - Druga nagrada: 86 – 92,99 bodova
 - Treća nagrada: 80 – 85,99 bodova
 - Priznanje: 70 – 79,99 bodova
16. Članovima žirija koji su nastavnici ili članovi porodice nekog od takmičara nije dozvoljeno ocjenjivanje.
17. Svi takmičari će dobiti diplomu sa tačno navedenom nagradom i brojem osvojenih bodova.
18. Organizator će dodijeliti posebne nagrade - sponzorske pakete za prvoplasirane takmičare u svakoj kategoriji. Da bi dobio posebnu nagradu prvoplasirani takmičar mora osvojiti prvu nagradu, tj. 93-100 bodova.
19. U drugu etapu VII kategorije takmičenja može se plasirati najviše **pet (5)** takmičara sa minimalno 88 bodova osvojenih u prvoj etapi. Ako više od pet takmičara ima 88 ili više bodova, samo **pet (5)** takmičara sa najboljim rezultatom se kvalifikuju za drugu etapu.
20. Takmičari u drugoj etapi nastupaju po abecednom redu.

21. Broj bodova dat u prvoj etapi neće biti dostavljen takmičarima i javnosti prije završetka druge etape.
22. Konačni bodovi za VII kategoriju predstavljaju zbir prosječnog broja bodova u obje etape podijeljen sa dva.
23. Dobitnik prve nagrade u VII kategoriji je takmičar koji je nagrađen sa minimalno 93 boda, a sljedeći najbolje rangirani takmičari će biti nagrađeni drugom i trećom nagradom.
24. Ako dva ili više takmičara imaju preko 93 boda, prvonagrađeni je takmičar sa najvećim brojem bodova i tako dalje.
25. Ako takmičar nastupi duže od dozvoljenog vremena, žiri ili sekretar žirija ima pravo da zaustavi kandidata.
26. Ukoliko dva ili više takmičara imaju isti broj bodova prednost ima mlađi takmičar.
27. Žiri zadržava pravo da ne dodijeli neku od nagrada.
28. Odluke žirija su konačne i neopozive.
29. Nakon svakog takmičarskog dana biće objavljene službene bodovne liste. Bodovi za VII kategoriju biće objavljeni na završnoj koncertnoj večeri. Javno će biti prikazani bodovi iz obje etape.
30. Na završnoj koncertnoj večeri biće dodijeljene diplome za tri najbolje plasirana takmičara u svim kategorijama, kao i posebne nagrade za prvoplasirane takmičare.
31. U slučaju odustajanja takmičara organizator nije dužan vratiti prethodno uplaćen dio kotizacije.

POSEBNE NAGRADE ZA PRVOPLASIRANE TAKMIČARE

I KATEGORIJA - Sponzorski paket u vrijednosti 100 KM, trofej

II KATEGORIJA - Sponzorski paket u vrijednosti 150 KM, trofej

III KATEGORIJA - Sponzorski paket u vrijednosti 200 KM, trofej

IV KATEGORIJA - Sponzorski paket u vrijednosti 300 KM, trofej

V KATEGORIJA - Sponzorski paket u vrijednosti 400 KM, trofej

VI KATEGORIJA - Sponzorski paket u vrijednosti 500 KM, trofej

VII KATEGORIJA - ZORAN KUVAČ gitara - ručni rad, trofej

KONCERTI

- Ulaz na sve koncerte je BESPLATAN.
- Organizator zadržava pravo izmjene najavljenog programa, mjesta ili vremena koncerta.

MAJSTORSKE RADIONICE (MASTERCLASS)

- Samo pasivan ili aktivan učesnik ima pravo da prati majstorske radionice i predavanja u okviru festivala.
- Aktivni učesnik, pored mogućnosti praćenja svih dešavanja, prijavljuje jedan, dva ili tri individualna časa u trajanju od 45 minuta kod profesora po izboru.
- **Ukupan broj časova je ograničen.** Određivanje profesora za časove će se vršiti u odnosu na redoslijed prispijeća potpunih prijava.

PRIJAVA I UPLATA KOTIZACIJA

Prijave se podnose od **16. oktobra do 25. novembra 2023. godine** isključivo putem online prijave na web stranici ubuntuguitarfest.ba.

Učesnici koji žele da se takmiče moraju biti prijavljeni za aktivno ili pasivno učešće. Izuzetak su I i II kategorija za koje je moguće prijaviti samo takmičenje.

IZNOS KOTIZACIJA ZA UBUNTU GUITARFEST 2023:

- | | |
|-------------------------------|----------------------|
| - Aktivno učešće / 1 čas | 30 € / 60 KM |
| - Aktivno učešće / 2 časa | 60 € / 120 KM |
| - Aktivno učešće / 3 časa | 90 € / 180 KM |
| - Pasivno učešće | 25 € / 50 KM |
| - Takmičenje / I kategorija | 25 € / 50 KM |
| - Takmičenje / II kategorija | 25 € / 50 KM |
| - Takmičenje / III kategorija | 35 € / 70 KM |
| - Takmičenje / IV kategorija | 35 € / 70 KM |
| - Takmičenje / V kategorija | 45 € / 90 KM |
| - Takmičenje / VI kategorija | 45 € / 90 KM |
| - Takmičenje / VII kategorija | 80 € / 160 KM |

Da bi prijava bila potpuna potrebno je uplatiti 50% od ukupne kotizacije kao rezervaciju za učešće na festivalu na račun:

Za učesnike iz BiH:	Za uplate iz inostranstva:
<ul style="list-style-type: none">- Nova banka a.d. Banja Luka, BiH 555-100-00537794-84- Svrha doznake: UBUNTU 2023 - navesti vrstu prijave- Korisnik: Asocijacija gitarista 102 žice- Jovana Raškovića 51, 78000 Banja Luka	<ul style="list-style-type: none">- Nova banka a.d. Banja Luka, BiH- Association of Guitarists "102 strings"- Jovana Raškovića 51, Banja Luka UBUNTU 2023- IBAN code: BA395550000053782056- SWIFT code: NOBIBA2

Učesnici koji se nalaze van BiH mogu da se informišu o dodatnim načinima plaćanja putem maila ubuntuguitarfest@gmail.com.

Ostatak kotizacije kandidat plaća na info pultu, prvog dana festivala.

Napomene:

- Ukoliko u roku od 24 sata ne dobijete potvrdu o prispjeću prijave javite se na ubuntuguitarfest@gmail.com!
- U slučaju otkazivanja učesnika uplaćena polovina kotizacije se ne vraća.

Za sva ostala pitanja možete se obratiti putem e-maila ubuntuguitarfest@gmail.com.

Asocijacija gitarista 102 žice

Ubuntu Guitarfest

Banja Luka, 7-10.12.2023.